

## Oqaluttariarsorluni misilitsinnerni allattukkanik/iPadimik atuineq

Atuarfiup iPad orserneqareersimasoq atuartup/misilitseqatigiit allattukkat tunniunneqartut atuarnissaannut atorsinnaasaat inimi piareersarfimmiissasoq isumagissavaa.

**Pages** atuartumit/misilitseqatigiinnit piareersarnermi allattukkanut atorneqassaaq.

IPad misilitsinnermi atorneqassanngilaq/misilitsinnermut nassarneqassanngilaq. Allattukkat atorneqarusuttut piareersarnermi pappialamut allanneqassapput.

**IPad misilitsinneq tamakkerlugu internetsimut attaveqassanngilaq imaluunniit attavilerneqarsinnaassanngilaq.**

Taamaattumik atuarfiup pisortaanit inimi misilitsiffiusumi internetsimut attavilerinnaannginnissaq qulakkeerneqassaaq. Router/modem/Wi-Fi inimi misilitsiffimmiittut qaminneqarsinnaapput.

iPadip 'Flytilstand'-imut inissinnera aamma/imaluunniit iPadimi Wi-Fi-mik nammineerluni qamitsineq **naammangilaq.**

Taamatuutaaq misilitsinnissaq sioqqulluarlugu atuartut, ilinniartitsisut nakkuttilliisullu tamarmik **Pagesip** allattukkanut atornissaanik sungiussisimanissaat atuarfiup pisortaanit qulakkeerneqassaaq.

## Oqaluttariarnermi misilitsinnermi ilinniartitsisumut, censorimut nakkutilliisumullu ilitsersuut

- Atuartup nammineq iPadini piareersarnermini imaluunniit misilitsinnermini nassarsinnaangilaa/atorsinnaangilaa.
- Atuarfiup iPad piareersagaasoq ataaseq inimi piareersarfimmiitissavaa.<sup>1</sup>
- Misilitsinneq tamakkerlugu iPad internetsimut attavilerneqarsinnaassanngilaq.
- Atuartut tamarmik allattukkamik atuarnissaannut **Pages** atussavaat.
- iPad atuartup/misilitseqatigiit allattukkamik atuarnissaannut e-læseritut atussavaat. Taamaattumik taastatureqarnissaq pisariaqanngilaq.
- Taamaallaat allattukkat piareersarnermi pappialami allattukkat misilitsinnermut nassarneqarsinnaapput.

### Oqaluttariarsorluni misilitsinnerup ingerlannera

- 1) Atuartup/misilitseqatigiit misilitsinnissartik kingusinnerpaamik ullunik arfineq-marlunnik sioqqullugu allattukkani/-tik **Pages** dokumentimi ataatsimi katersukkat atuartitsisummi ilinniartitsisumut tunniutissavai/-vaat /airdroppissavai/-vaat.
- 2) Atuartitsisummi ilinniartitsisup censorillu allattukkat misissussavaat allattukkallu malittarisassat atuuttut naapertorlugit suliaaneri qulakkiissallugit.
- 3) Dokumenti misilitsinnissaq sioqqullugu iPadimut inimi piareersarfimiittumut atuartitsisummi ilinniartitsisup ikkutissavaa.
- 4) Ilinniartitsisup **Pages** dokumenti isissutissalissavaa/kodilissavaa, atuartup/misilitseqatigiit piareersarnisartik sioqqutilaarlugu aatsaat tigusassaannik.
- 5) Atuartup/misilitseqatigiit isissutissaq/kode tunniunneqartoq atorlugi allattukkat piareersarnerminni ammarlugillu atuarsinnaavaat.
- 6) Piareersarneq naammassippat atuartup/misilitseqatigiit dokumenti iPadimiititaa/-taat matuneqassaaq, taamatullu iPad misilitsinnermut nassaqqusaanngilaq.
- 7) Misilitsinnermi taamaallaat allattukkat piareersarnermi pappialamut allattorneqartut atorneqarsinnaapput.

**Piareersarnerup nalaani iPad arlaatigut ajornartorsiutaalissatillugu piareersarneq iPadimi allattukkat atornagit ingerlanneqassaaq. Misilitsinnermut piffissaliussaq killiussaareersut qaangerlugit sivitsorneqarsinnaassanngilaq.**

---

<sup>1</sup> Atuartumik ataatsimik amerlanernik/misilitseqatigiinnik inimi ataatsimi piareersartoqarpat (inimi tassani nakkutilliisoqarlutik) iPad atorneqarsinnaasoq ataatsimik ilaneqassaaq. Atuartut misilitseqatigiittussat ataatsimik iPadeqassapput.